



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Consvlibvs Et Popvlo Esinis.

urn:nbn:de:hbz:466:1-20006

nobis inquirere studuisti, utrum inter duos parochianos tuos matrimonium quod, puella probante infra nobiles annos se ductam à viro fuisse, de consilio dilecti filij nostri P. sanctæ Mariæ in via lata Diaconi Cardinalis, tunc apostolicæ sedis Legati, per divortij sententiam direxisti, possis redintegrare licenter, cum eadem puella jam nubilem ætatem attingens consensum adhibeat, & nullus ex eis ad alia vota se duxerit transferendum. Ad quod tibi taliter respondemus, quòd nisi aliam causam rationabilem intervenire cognoveris, securus ad copulam ipsius matrimonij tibi parat absque aliqua hæsitatione processus. Datum Laterani II. Idus Martij.

VID. ABBATI MONASTERII sanctæ Mariæ de Lundors, ejusque fratribus tam presentibus quam futuris regularem vitam professis in perpetuum.

Epist. 3.
De confirmatione privilegiorum.

Religiosam vitam eligentibus &c. usque ad verbum ordo monasticus, qui secundum Deum & beati Benedicti regulam in eodem monasterio &c. usque ad verbum vocabulis. Locum ipsum in quo præfatum monasterium à dilecto filio nobili viro David Comite fratre carissimi in Christo filij nostri W. illustris Scotiæ Regis constructum est, cum omnibus pertinentiis suis, per suas rectas divisas, & liberam curiam in terra vestra, & firmam pacem infra divisas ipsius villæ de Lundors, sicut charta dicti Comitis protestatur. Ecclesiam quoque ejusdem villæ de Lundors, cum omnibus pertinentiis suis, scilicet capellas de Bundamor, & terram ad prædictam Ecclesiam pertinentem, per suas rectas divisas, & alias terras in eadem villa, sicut in charta ejusdem Comitis continetur. Insulam quæ vocatur Redinche, & Piscarias in They, juxta prænominatam insulam. Molendinum de Lundors, cum omni secta sua, & multura. Ecclesiam quoque de Dundee, cum omnibus pertinentiis suis, & terram ad eandem Ecclesiam pertinentem, & unum toftum in burgo de Dundee liberum & quietum ab omni servitio & exactione. & unam carrucatum terræ in villa de Neutle. & in villa de Pert, terram quæ vocatur Insula ultra Mineth Fintreth per suas rectas divisas cum omnibus pertinentiis suis. Ecclesiam ejusdem villæ cum perti-

nentiis suis. In Garviah, Lethgavel, & Malind, cum omnibus pertinentiis suis per suas rectas divisas. Ecclesiam de Rotchet cum capellis suis, scilicet Inverurin, & Munchegin, & aliis pertinentiis suis. Ecclesiam de Durnah, Ecclesiam de Prame, Ecclesiam de Rathmuriel, Ecclesiam de Inchemabanin, Ecclesiam de Culfamuel. In episcopatu Lincolnien. Ecclesiam de Cuningrone, Ecclesiam de Wiffinden. In episcopatu de Stratheren, Ecclesiam de Mothel, Ecclesiam de Chelalcund, cum capellis prædictarum Ecclesiarum & terris & decimis ac omnibus earum pertinentiis ad proprios usus monachorum concessis, & unum plenarium toftum in burgo de Inverurin liberum & quietum ab omni servitio & exactione. Decimas omnes quas habetis in terra prædicti Comitis, & extra. Ex donatione quoque Regis Scotiæ unum plenarium toftum in burgo de Bernic, & aliud plenarium toftum in burgo de Strivelin, plenarium toftum in burgo de Carel, plenarium toftum in burgo de Pert, plenarium toftum in burgo de Forfar, plenarium toftum in burgo de Munros, & unum plenarium toftum in burgo de Aberden. & terram unam in villa de Pert. in libero burgagio. Sanè novialium vestrorum &c. Prohibemus insuper ut nulli &c. Cum autem generale interdictum &c. Crisma verò &c. Sepulturam præterea &c. Prohibemus insuper ut infra fines &c. Ad hæc etiam inhibemus, nequis in vos &c. Obeunte verò te &c. Decernimus ergo &c. Salva sedis apostolicæ auctoritate, & diocesani Episcopi canonica justitia. Si qua igitur &c. Datum Laterani per manum Rainaldi Domini Papæ Notarij, Cancellarij vicem agentis, XIII. Kalend. Aprilis, indictione I. incarnationis dominicæ anno M CXCVIII. Pont. verò Domini Innocentij Papæ III. anno II. [*Legendum*, Indict. II. incarn. dom. anno M CXCIX.

CONSULIBVS ET POPVLO
Esinis.

Cum apostolicæ sedis jurisdictio spiritualis nullis terminis coarctetur, immo super gentes & regna fortita sit potestatem, in multis etiam per Dei gratiam ejus extenditur jurisdictio temporalis: quæ licet aliquando visa fuerit propter quorundam violentiam coar-

Epist. 4.
Ut in reducenda Marchia ad obedientiam Pontificis diligenter laborat.

V u

ctari, nunc tamen eo faciente nobiscum signum in bonum qui imperat ventis & mari, & facit tranquillum, qui deponit potentes, & exaltat humiles, violentia * per se ipsum humiliata, redit in potentatum antiquum, & de die in diem amplius dilatatur; non homine pugnante pro nobis, sed Deo potius respiciente humilitatem nostram, & violentiam ab Ecclesia repellente. Ecce etenim per Dei gratiam ad fidelitatem Ecclesie cum Perusin. Tudertin. Castellan. & aliis adjacentibus civitatibus, munitionibus, & castellis Ducatus rediit Spoletanus, & magna pars Thuscie, quae in nostris privilegiis continetur. Ecce etenim universa ferè Marchia, præter Camarinen. & Esculan. civitates, quas tamen speramus in proximo redituras, faciente Domino, ac vestro studio procurante, devotè rediit ad fidelitatem Ecclesie, ac fideliter per Dei gratiam in ipsius devotione persistit; quæ verè per se dicere potest: *Jugum meum suave est, & onus meum leve.* jugum sanè quod juvat, & onus quod non onerat, sed honorat. jugum etiam quod inexperti fortiter diligunt, & experti fortius concupiscunt. onus quod nescit sarcinam gravitatis, sed exonerat potius oneratos. Nos itaque studium & sollicitudinem vestram sollicitius attendentes, universitati vestræ copiosas gratiarum exolvimus actiones, quòd quàm citius se obtulerit opportunitas, ad fidelitatem sedis apostolicæ matris vestræ humiliter rediistis, & alios ad dominium Ecclesie revocandos dilectis filiis nostris C. tituli sancti Laurentij in Lucina & I. tituli sanctæ Priscæ Presbyteris Cardinalibus, tunc apostolicæ sedis Legatis, quos ad partes vestras circa novitatis nostræ primordia destinavimus, assististis viriliter & potenter, nec personis nec rebus parentes; sicut evidentiùs operis evidentia manifestat, & nuper dictus sanctæ Priscæ Presbyter Cardinalis ad præsentiam nostram revertens, nobis & fratribus nostris viva voce plenius intimavit. Ut igitur laudabile fidelitatis vestræ principium finis laudabilior subsequatur, rogamus discretionem vestram, monemus, & exhortamur in Domino, ac per apostolica scripta vobis mandamus quatenus in incepta fortitudine persistentes, ad revocandas civitates prædictas ad nostri fidelitatem dominij detis operam

*f. perverforu

efficacem, ut cum tota Marchia, dante Domino, fuerit in fidelitate sedis apostolicæ solidata, ipsius promissionis præsidio & nostra protectione lætetur. Nos enim ad honorem totius Marchie ac civitatis vestræ profectum dante Domino efficaciter intendemus. Datum Laterani XVI. Kal. Aprilis, pont. nostri anno II.

R. EPISCOPO S. ANDREÆ.

Sicut nobis tua fraternitas intimavit, monachi quidam & Canonici regulares, Ecclesias quæ ad eorum præsentationem pertinent, in tuo episcopatu habentes, propriis usibus deputare nituntur, nec ibi volunt ad eas, cum vacaverint, personas idoneas præsentare, quin potius occasione confessionis quorundam Episcoporum Vicarios in eis pro sua instituunt & destituunt voluntate, admissos ita pensionibus onerantes quòd nec Ecclesiis competenter possunt præ paupertate nimia deservire, nec Episcopo in episcopalius respondere, nec hospitalitatem, sicut convenit, transeuntibus impertiri. Nolentes autem ut status Ecclesiarum debitus & antiquus per alicujus insolentiam subvertatur, fraternitati tuæ per apostolica scripta mandamus quatenus nisi à jurisdictione tua exemptæ sint Ecclesie supradictæ, præmissos excessus studeas rationabiliter emendare, & nisi præfata personæ infra tempus in Lateranensi Concilio constitutum ad Ecclesias vacantes tibi personas idoneas præsentaverint, ex tunc tibi liceat appellatione remota in eisdem ordinare rectores, qui eis & præesse noverint & prodesse; ita quòd ex hoc nullum patronis in posterum præjudicium generetur. Datum Laterani VI. Kal. Martij, pont. nostri anno II.

R. EPISCOPO S. ANDREÆ.

Sicut nobis tua fraternitas intimavit, cum in parochia sancti Andreæ pauci homines antiquitus fuerint & rari habitatores, unicam tantum matricem & parochialem Ecclesiam devotio sibi fidelium fabricavit. Nunc autem, divina gratia faciente, usque adeo multitudo excrevit in eadem parochia populorum, quòd ad animarum evitanda pericula, quæ ibidem proponuntur læ-

Epist. 5.
Nisi intra tempus juris Ecclesiarum patroni presentatos, devoluntur ad iudicium.
Cap. Sicut de supplicanda negligentia Prælatorum.

Epist. 6.
Crescente numero parochianorum, novam licet extruere Ecclesiam.